四 庫全

書

薈

要・乾

隆 御

即览本史部

欽定四庫全書管要 史部

詳校官員外郎臣楊世綸

納貨於官旅除泰寧節度使帝幼喜音律故保境安民以待之耳 涓州留後李紹欽因 定四車全書 保境安民以待之耳 騎滿御下無法不出數年將有內變吾但當早解 通鑑紀事本末卷四十一上 郭 惶吳揚州司馬嚴可求笑曰聞唐王始得中原志 在宗同光元年冬十月帝遣使以滅深告吳蜀二 都之慶幸紹琛之叛附 宋 袁 樞 故伶人多 冷人景 掑

李天下優人敬新磨遠前批其頰帝失色羣優亦駭愕 害人者景進為之首進好采問間 劉夫人優 龍常侍左右帝或時自傳粉墨與優人共處於庭以 徐曰理天下者只有一人尚誰呼那帝忧厚賜之 出入宫掖侮弄縉紳羣臣憤嫉 以希恩澤者四方潘鎮爭以貨貼結之其尤蠹 間事遂委進以耳目進每奏事常屏左右問 名謂之李天下審因為優自呼曰李天 莫敢出氣亦有 鄙細事聞於上上

舉手云吾於十指上得天下於伐如此則它人無功矣 之由是進得施其讓惠干預政事自將相大臣皆憚之 者己五百人至是殆及千人皆給贍優厚委之事任以 其誰不解體又荒於禽色何能長久吾無憂矣 軍并私家先所畜者不 以贵賤並遣詣闕時在上左 年春正月数內官不應居外應前朝內官及諸道監 ,與忿之歸謂將佐曰新朝百戰方得河南乃對功臣 荆南節度使髙季興在洛陽帝左右伶官求貨無厭

通過紀事本末

每 闕 鎮皆 腹心内諸司使自天祐以來以士人代之至是復 者浸干政事既而復置諸道監軍節度使出 下軍府之政皆監軍决之陵忽主即怙勢争權 饋遺所親或諫之崇韜曰吾位兼將 韶令人皆不信百姓愁怨郭崇韜初至 謙欲聚飲以求 憤 財但以偽梁之季賄賂成風今河南藩鎮皆梁 怒 嫍 月己己朔 凡赦文所蠲 上祀 南郊 者謙復徵之自是 大赦租庸 相 **汴洛頗愛** 禄 賜巨萬 一征或留 山上 用

万四届全量

勞軍錢崇韜言於上曰臣已傾家所 於是外府常虚竭無餘而內府山積及有司辨郊祀乏 先是宦官勸帝分天下財賦為內外府州縣上供者入 家藏之私室耳及將祀南郊崇韜首獻勞軍錢十萬編 儲積可令租庸輦取以相助於是取李繼韜私第金 亦出內府之財以賜有司上黙然久之曰吾晉陽 府充經費方鎮貢獻者入內府充宴遊及給賜左右 舊臣主上之仇雠也若拒其意能無懼乎吾特為 有以助 大禮願

可思己事人

金欽 帛數十萬以益之軍士皆不滿望始怨恨有離心矣 深自處多甄別流品引拔浮華鄙棄熟舊有求官者崇 宦官疾之朝夕短之於上崇韜扼脫 郭崇韜位兼將相復領節旄以天下為己任權侔人主 旦夕車馬填門性剛急遇事斬發嬖倖僥求多所推 豈其枝派邪崇韜因曰遭亂亡失譜牒會聞先人言 章說書問之曰汾陽王本太原人徒華陰公世家馬 定四庫全書 距分陽四世耳革曰然則固從祖也崇韜由是以膏 欲 制 之不 能豆盧

素惡劉夫人崇韜亦屢諫上以是不果於是所親說崇 輕其權而宦官謗之不己崇韜鬱鬱不得志與所親謀 是上欲以劉夫人為皇后而有正妃韓夫人在太后 E 本鎮以避之其人曰不可蛟龍失水蝼蟻足以制之 曰公若請立劉夫人為皇后上心喜內有皇后之助 e 世 4 4 1 1 通鑑犯事本末

密使讓李紹宏上不許又請分樞密院事歸内諸司以

由是嬖倖疾之於內敷舊怨之於外崇賴屢請以樞

曰深知公功能然門地寒素不敢相用恐為名流所

劉关人宜正位中官癸未立魏國夫人劉氏為皇后皇 则 后生於寒傲既貴專務蓄財其在魏州至於新蘇果站 伶官輩不能為患矣崇韜從之與宰相即百官共奏 解兵柄帝不許 伶官之讒皆不自安蕃漢內外馬步副總官李嗣 后誥皇后教與制勅交行於藩鎮奉之 如 官以是實貨山積惟用寫佛經施尼師而已是時皇 販鬻之及為后四方貢獻皆分為二一上天子 夏四月孔謙貸民錢使以貶 勲 臣

冬四十一上

得帝每思之入汴之日 春霜害桑繭絲甚薄但輸正稅 願早降明命帝不報 言梁趙巖為租庸使舉貸誅斂結怨于人今陛下革 曰臣所以得生全者皆梁教坊使陳俊內園 新為人除害而有司未改其所為是趙嚴復生也今 以堪臣惟事天子不事租庸敢旨未領首牒 ネカ 匝 謁見於馬前帝甚喜匝涕 胡柳之役伶人周匝為梁 猶懼流移况益以 州盧質 稱貸 頻

钦

定四庫全書

夫薛昭文上疏以為今諸道借竊者尚多征伐之謀 **徳源之力也願就陛下七二州** 五月壬寅以俊為景州刺史德源為憲州刺史時親 **西矣使吾慙見此三人公言雖正然當為我屈意** 始就封賞未及一 有從帝百戰未得刺史者莫不慎 以是不行踰年伶人屢 曰陛下所與共取天下者皆英豪忠勇之士令大 人而先以伶人為刺史恐失天下 以為言帝謂崇韜曰吾己許 以報之帝許之郭崇 歎 諌

省又請擇除地牧馬勿使践京畿民田皆不從 亡者宜寬徭薄賦以安集之又土木不怠之役宜加裁 月壬辰以天平節度使李嗣源為宣武節度使 月癸酉以副使衛尉卿孔謙為租庸使右威衛大將 鋭恐借竊之國潜以厚利誘之宜加收撫又戶口流 孔循為副使循即趙殷衙也梁亡復其姓名謙自是

大三日 巨 公 上

通鑑紅事本末

四方貢獻及南郊美餘更加頒賽又河南諸軍皆梁之

未可遽息又士卒久從征伐賞給未豐貧乏者多宜

忽 今自往軍中取之帝以義武節度使王都将入朝欲開 秘場憲曰比以行官關廷為越場前年陛下即位於此 其壇不可毀請關毯場於宫西數日未成帝命毀即位 年初李嗣源北征過與唐東京庫有供御 行其志重飲急徵以充帝欲民不聊生癸未賜謙號 曰憲不奉詔擅以吾鎧給嗣源何意也罰憲俸 副留守張憲取五百領憲以軍與不暇奏而給之帝 贍國功臣 卷四十一上 - 無鎧嗣源

塞私於崇韜曰忘天背本不祥莫大馬 在手安得為其子奏請乃點從珂為突騎指揮使即數 太原三月丁酉表衛州刺史李從珂為北京內牙馬步 臣下入洛之後信伶官之讒頗疎忌宿將李嗣源家在 辰徙李嗣源為成德節度使 帝性剛好勝不欲權在 都指揮使以便其家帝怒曰嗣源握兵權居大鎮軍政 ここり とし、一一一通差犯事本末 春二月庚

也若之何毀之崇韜從容言於帝帝立命兩虞候毀之

壇憲謂郭崇韜曰此壇主上所以禮上帝始受命之地

符天子當是時六宫貴賤不減萬人今掖庭大半空虛 見鬼物上欲使符咒者攘之宦者曰臣告逮事成通乾 源气至東京朝覲不許郭崇韜以嗣源功高位重亦忌 及也塞勸帝召之宿衛罷其兵權又勸帝除之帝皆不 百人戍石門鎮嗣源憂恐上章申理久之方解辛丑嗣 入私謂人曰總管令公非久為人下者皇家子弟皆不 鬼物遊之耳上乃命宦者王允平伶人景進采擇民 洛陽官殿宏邃官者欲上增廣嬪御詐言宫中夜

定四庫全書 1

公卿第舍耳帝乃命宫苑使王允平别建一樓以清暑 稱旨宦者因言臣見長安全盛時大明與慶宮樓觀 矣唐辰帝至洛陽辛酉詔復以洛陽為東都興唐府為 百數今日官家曾無避暑之所官殿之盛曾不及當時 女亡逸者千餘人應扈從諸軍挾匿以行其實皆入宫 從來上還自興唐載以牛車累累盈路張憲奏諸管婦 間女子遠至太原幽鎮以充後庭不啻三千人不問所 夏六月帝苦溽暑於禁中擇高凉之所皆不 通鑑起事本末

飲定日車全書 慶

|宦者曰郭崇韜常不伸眉為孔謙論用度不足恐陛下 暑今居深宫之中而暑不可度奈何對曰陛下旨在河 除海内實服故雖珍臺開館猶受鬱蒸也陛下懷不忘 雖欲皆繕然不可得帝曰吾自用內府錢無關經費然 上與深人相拒行管里濕被甲乘馬親當矢石猶無此 猶慮崇報諫遣中使語之曰今歲盛暑異常朕昔在 一勍敢未滅深念雠耻雖有盛暑不介聖懷今外患己 難之時則暑氣自消矣帝黙然宦者曰崇韜之第無

李嗣源表求入朝帝不許 息役以俟豐年帝不聽 使軍事悉以委之 為魏王 萬人所費巨萬崇韜諫曰今兩河水旱軍食不充願且 異皇居宜其不知至尊之熱也帝平命允平皆樓日 ,酱恩將行言於上曰孟知祥信厚有謀若得西川 面行营都統郭崇韜充東北面行营都招討制置等 丁酉帝與宰相議伐蜀以魏王繼岌充西川 郭崇韜以北都留守孟知祥有薦 秋七月甲午成德節度使 九月し未立皇子繼岁

K 2.1 7 ... 1 2. 1 ...

通鑑紀事本末

郭公之門謀相傾害吾為都將獨不能以軍法斬公邪 平謂璋曰吾有平蜀之功公等樸樕 紹琛愈怒曰吾冒白刃陵險阻定兩川璋乃坐有 而璋素與郭崇韜善崇韜數召璋與議軍事紹琛 訴於崇韜十二月崇韜表璋為東川節度使解其軍 相戊申大軍西行 無踰此人者又薦鄴都副留守張憲謹重有識可 平蜀之功李紹琛為多位在董璋 月九卯大軍至成 相從反呫囁於 都

定匹库全意

遣官者李從襄等從魏王繼岌伐蜀繼岌雖為都統軍 崇韜怒曰紹琛反邪何敢違吾節度紹琛懼而退初帝 其子廷誨魏王所得不過匹馬束帛鹽壺塵柄而已從 耻之及破蜀蜀之贵臣大將爭以實貨效樂遺崇韜及 走盈度而都統府惟大將晨謁外牙門索然從襲等固 中制置補署一出郭崇韜崇韜然日決事將吏賓客趨 邪乃見崇韜言東川重地任尚書有文武才宜表為

襲等益不平王宗弼之自為西川留後也略崇韜求為

通鑑犯事本本

定日車全書

发謂崇韜曰主上倚侍中如山微不可離廟堂豈肯棄 守事孟知祥為西川節度使同平章事促召赴洛陽帝 關自陳由是繼发與崇韜互相疑 今又使蜀人請己為即其志難則王不可不為之倫 发請留崇韜鎮蜀從襲等因謂繼发回郭公父子專 九老於蜜夷之域乎且此非余之所敢 **顽選北都留守樞宏承肯段徊等惡鄴都留守張憲不** 丙子以 知也請諸人詣 知北都

節度使崇韜陽許之既而久未得乃即蜀人列狀見繼

瓊本伶人也有寵於帝魏博等六州軍旅金穀之政皆 留守事正言昏耄帝以武德使史彦瓊為鄴都監軍 决於彦瓊威福自恣陵忽將佐自正言以下皆謟事 比之北都獨繁一方安危不為重也乃徙憲為太原尹 國家新得中原宰相在天子目前事有得失可以改更 初帝得魏州銀槍效節都近八千人以為親軍皆勇 其在朝廷皆曰北都非張憲不可憲雖有宰相器今 都留守事以戶部尚書王正言為興唐尹知都

C

AND THE COMMON PORT

通鑑似事本末

官畢從庚辰宿伊闕辛已宿潭泊壬午宿龕澗癸未還 **恣無厭更成怨望是歲大機民多流亡租賦不充道路 塗潦漕辇艱澀東都倉廪空過無以給軍士租庸使** 悍無敵夾河之戰實賴其用屢立殊功常許以滅深之 流言怨嗟而帝遊畋不息已邓雅於白沙皇后皇子後 食有雇妻當子者老弱采疏於野百十為羣往往假死 大加賞養既而河南平雖賞養非一而士卒情功驕 日於上東門外里諸州漕運至者隨以給之軍士乏

之法農亦可以小休矣帝即動有司如琪所言然竟不 者量入以為出計農而發兵故雖有水旱之災而無匱 乏之憂近代稅農以養兵未有農富給而兵不足農捐 豆盧革以下皆莫知為計吏部尚書李琪上疏以為古 而兵豐飽者也今縱未能蠲省租稅尚除折納紐 通鑑紀事本末

於冠盜縣吏皆窟匿山谷

帝以軍儲不足謀於羣臣

所過責其供的不得則壞其什器撤其室廬以為新甚

宫時大雪吏卒有僵仆於道路者伊汝間饑尤甚衛兵

). 1. W

蜀中盜賊羣起布滿山林崇韜恐大軍既去更為後患 人吕知柔竊聽聞之由是宦官皆切齒時成都雖下而 日得天下驟馬亦不可乗况任官官宜盡去之專用士 **一辆推徒出入日與軍中騎將蜀土豪傑押飲指天畫** 延嗣曰魏王太子也主上萬福而郭公專權如是郭 促之崇韜不出郊迎及見禮節又侶延嗣怒李從襲 任園張筠分道招討以是淹留未還帝遣宦者向延

能行

郭崇韜素疾宦者管密謂魏王繼岌曰大王他

定

善自為謀今諸軍將校皆郭氏之黨王寄身於虎狼之 有金萬兩銀四十萬兩錢百萬絲名馬千匹他物稱是 聞蜀人請崇韜為帥已不平至是聞延嗣之言不能無 帝閱蜀府庫之籍曰人言蜀中珍貨無等何如是之 具以語劉后后泣訴於帝請早救繼岌之死前此帝 也延嗣曰臣聞蜀破其珍貨皆入於崇韜父子崇韜 朝有慶吾屬不知委骨何地矣因相向垂涕延嗣

通监记事本末

近聞白其父請表已為蜀帥又言蜀地富饒大人宜

當斷不斷夫成敗之機間不容髮安能緩急稟命於三 遣衣甲庫使馬彦珪馳詣成都觀崇韜去就如奉詔班 之尚無他志則遣還帝許之壬子知祥發洛陽帝尋復 色及孟知祥將行帝語之曰聞郭崇韜有異志卿到為 后說之曰臣見向延嗣言蜀中事勢憂在朝夕今主上| 朕誅之知祥曰崇韜國之勲舊不宜有此俟臣至蜀察 廷誨所取復在其外故縣官所得不多耳帝遂怒形於 師則己若有遷延跋扈之狀則與繼发圖之彦珪見皇

卷四十一上

之曰繼麟聞大軍起以為討己故點懼閱兵自衛又曰 功帝待之厚苦諸伶官求匄無厭遂拒不與大軍之征 明宗天成元年河中節度使李繼麟恃與帝故舊且有 可遽爾果决皇后不得請退自為教與繼发令殺崇韜 里外乎皇后復言於帝帝曰傳聞之言未知虚實豈 祥行至石壕彦珪夜叩門宣詔促知祥赴鎮知祥竊 也繼麟閱兵遣其子令德將之以從景進與宦官諸 曰亂將作矣乃晝夜兼行

K

We at the late of the

通鑑犯事本末

+

馬彦珪至以皇后教示繼岌繼岌曰大軍垂發彼無紫 崇韜所以敢倔彊於蜀者與河中陰謀內外相應故 后教殺招討使可予李從襲等泣曰既有此迹萬 麟聞之懼欲身入朝以自明其所親止之繼麟曰郭 安可為此負心事公輩勿復言且主上無勅獨以皇 令任團權知留事以俟孟知祥諸軍部署已定是日 人發罪矣正月癸亥繼麟入朝 中功高於我今事勢將危吾得見主上面陳至誠則 魏王繼岌將發成

登樓避之崇韜方升階繼岌從者李環揭碎其首并殺 得已從之甲子旦從襲以繼发之命召崇韜計事繼发 印宣之軍中粗定崇韜左右皆窟匿獨掌書記滏陽張 悔之無及崧乃召書吏數人登樓去梯矯為敕書用蠟 繼发曰今行軍三千里外初無敕旨擅殺大將大王奈 其子廷誨廷信外人猶未之知都統推官饒陽李崧謂 何行此危事獨不能忍之至洛陽邪繼岌曰公言是也

直面に事本を

聞之中途為麼益不可放矣相與巧陳利害繼发不

馬彦珪還洛陽乃下詔暴郭崇韜之罪并殺其子廷說 礪詣魏王府慟哭久之繼岌命任園代崇韜摠軍政 讓廷議於是朝野駭惋羣議紛然帝使宦官潛察之

定四庫全書 |

動帝速除之帝乃徙繼麟為義成節度使是夜遣簽漢

繼麟與郭崇韜謀及崇韜死又與存义連謀宦官因共

庚辰幽存义於第尋殺之景進言河中人有告變言李

之黨言存义對諸將攘劈垂泣為崇韜稱免言辭怨望

保大節度使睦王存义崇韜之壻也宦官欲盡去崇韜

皇帝去年所賜也我婦人不識書不知其何等語也紹 見紹奇曰朱氏宗族當死願無濫及平人乃別其婢僕 人於河中紹奇至其家友謙妻張氏帥家人二百餘口 史王思同誅令錫於許州河陽節度使李紹竒誅其家 為忠武節度使詔魏王繼岌誅令德於遂州鄭州 |其姓名曰朱友謙友謙二子令德為武信節度使令| 以其族百口就 刑張氏又取鐵券以示紹奇曰此

٤ و

// ary 17 100

通鑑紀事本末

*

馬步使朱守殷以兵圍其第驅繼麟出徽安門外殺之

右營護以是得全 軟售人不自保嗣源危殆者數四頼宣徽使李紹宏左 令公熟業震主宜自圖歸藩以遠禍嗣源曰吾心不負 天地禍福之來無所可避皆委之於命耳時伶官用事 郭崇韜朱友謙皆及於禍成德節度使兼中書令李嗣 誅時洛中諸軍機窘妄為話言伶官采之以聞於帝故 源亦為謠言所屬帝遣朱守殷察之守殷私謂嗣源曰 奇亦為之慙友謙舊將史武等七人時為刺史皆坐族! 4 魏王繼岌留馬步都指揮使陳留

族其家朱友謙子建徽為澶州剌史帝密敕鄴都監軍 知郭崇韜之罪民間訛言云崇韜殺繼发自王於蜀故 李仁罕馬軍都指揮使東光潘仁嗣左廂都指揮使趙 貝 **駁銳指揮使平息李延厚成成都甲申繼岌發成都命 廷隱右廂都指揮使沒儀張業牙內指揮使文水武漳** 州以都都空虚恐兵至為愛敕留屯貝州時天下 魏博指揮使楊仁晸將所部兵戍及橋踰年代歸至 紹琛帥萬二千人為後軍行止常差中軍一 含

밙

至日華全書 一

通監犯事本末

+ +

逆京師己亂將士願與公俱歸仍表奏朝廷若天子萬 |南暉與其徒夜博不勝因人情不安遂作亂刼仁晸曰 出城不言何往又訛言云皇后以繼岌之死歸各於帝 遠戍踰年方喜代歸去家咫尺不使相見今聞皇后弑 主上所以有天下者吾魏軍力也魏軍甲不去體馬不 解鞍者十餘年今天下已定天子不念舊勞更加猜忌 史彦瓊殺之門者白留守王正言曰史武德夜半馳馬)弑帝矣故急召彦瓊計事人情愈駭楊仁最部兵皇

|告軍亂將犯郭都者都巡檢使孫鐸等亟詣史彦瓊請 曹之資乎仁是不從暉殺之又却小校不從又殺之效 節指揮使趙在禮聞亂衣不及帶踰垣而走暉追及曳 帥焚掠貝州暉魏州人在禮涿州人也詰旦暉等擁 其足而下之示以二首在禮懼而從之亂兵遂奉以為 甲來城為備房瓊疑鐸等有異志曰告者云今日城 Mary 17 Terr と臨清永濟館陷所遇剽掠壬辰晚有自見州來

興兵致討以吾魏博兵力足以拒之安知不更為富

E

通鑑化事本末

當離散然後可撲滅也必俟其至城下萬一有姦人為 前鋒攻北門弓弩亂發時彦瓊將部兵宿北門樓聞賊 呼聲即時驚潰彦瓊單騎犇洛陽癸巳賊入鄴都孫鐸 乗城鐸募勁兵千人伏於王莽河逆擊之賊既勢挫处 至臨清計程須六日晚方至為備未晚孫鐸曰賊既作 應則事危矣彦瓊曰但嚴兵守城何必逆戰是夜賊 必乗吾未備晝夜倍道安肯計程而行請僕射帥眾 拒戰不勝亡去趙在禮據宮城署皇甫暉及軍校趙 ß

閩 索馬不能得乃即僚佐步出府門謁在禮再拜請罪在 掠於市吏皆逃散公尚誰呼正言為曰吾初不知也又 據案召吏草奏無至者正言怒其家人曰賊已入城殺 推在禮為魏博留後具奏其狀北京留守張憲家在 為馬步都指揮使縱兵大掠進定州人也王正言方 都在禮厚撫之遣使以書誘憲憲不發封斬其使以 亦拜曰士卒思歸耳尚書重德勿自早屈慰諭遣之 丙申史彦瓊至洛陽帝問可為大將者於樞密使 直播 とおんに

璋懼謝罪魏王繼岌軍還至武連遇敕使諭以朱友謙 所請偏禪皆梁舊將已所善者帝疑之而止皇后曰此 巳伏誅令董璋將兵之遂州誅朱令德時紹琛將後軍 郭崇韜之死也李紹琛謂董璋曰公復欲呫躡誰門乎 紹崇將騎三千指擊都招撫亦徵諸道兵備其不服 欽 定四庫全書 魏城聞之以帝不委已殺令德而委璋大驚俄而璋 事不足煩大將紹榮可辦也帝乃命歸德節度使李 紹宏紹宏復請用李紹欽帝許之令條上方略紹欽

止欲為亂丁酉紹琛自劒州擁兵西還自稱西川節度 我軍歸則與史武等同誅決不復東矣是日魏王繼发 朝之後行及我矣冤哉天乎奈何紹琛所將多河中兵 西定巴蜀皆郭公之謀而吾之戰功也至於去逆效順 泥溪紹琛至劒州遣人白繼岌云河中将士號哭不 中將焦武等號哭於軍門曰西平王何罪闔門屠膾 國家犄角以破梁則朱公也今未郭皆無罪族滅歸 紹琛軍不謁紹琛怒乗酒謂諸將曰國家南取大梁

밫

定四軍全書

通经机事本末

Ť

東北面招討副使李紹真討之 州左右步直兵趙太等四百人據城自稱安國留後詔 何建崇擊剱門關下之 以敕招諭之趙在禮以羊酒犒師拜於城上曰將士 斷枯柏津繼岌聞之以任園為副招討使將步騎 日間衆至五萬 川制置等使移機成都稱奏詔代孟知祥招諭蜀 與都指揮使深漢願監軍李延安追討之 已亥魏王繼岌至利州李紹琛遣 李紹榮至鄭都攻其南門遣 辛丑任園先令别 庚子

城之日勿遺照類大發諸軍討之壬寅紹榮退屯澶州 書手壞之守陣拒戰紹榮攻之不利以狀聞帝怒曰克 敢偏諭軍士史彦瓊戟手大罵曰摩 死賊城破萬段皇 思家擅歸相公誠善為數奏得免於死敢不自新逐以 甫暉謂衆曰觀史武德之言上不赦我矣因聚課掠敕 斬之從馬直指揮使郭從謙本優人也優名郭門高帝 甲辰夜從馬直軍士王温等五人殺軍使謀作亂擒

與深相拒於後勝募勇士挑戰從謙應募俘斬而還由

直避把事本化

F -7

冷 克及王温作亂帝戲之曰汝既 負我附崇韜存义义教 是益有龍帝選諸軍騎勇者為親軍分置四指揮號從 王温之故俟鄰都平定盡院若曹家之所有宜盡市 王温反欲何為也從謙益懼既退陰謂諸校曰主上 以叔父事之睦王存义以從謙為假于及崇韜存义 勿為久計也由是親軍皆不自安 從謙數以私財饗從馬直諸校對之流涕言崇韜之 直 從謙 [自軍使積功至指揮使郭崇韜方用事從 李紹崇 得 謙 酒

定

庫全

Į.

Ł

四1 十1 一上

日發中使促魏王繼岌東還繼岌以中軍精兵皆從任 因自為留後河朔州縣告亂者相繼帝欲自征鄰都宰 **園討李紹琛留利州侍之未得還李紹榮討趙在禮久** 使者皆曰李嗣源最為勲舊帝心忌嗣源曰吾惜嗣 繼者重霸等皆死賊知不赦堅守無降意朝廷患之 道兵再攻郭都唐戌裨將楊重覇即衆數百登城後 樞密使皆言京師根本車駕不可輕動帝曰諸将 功趙太據邢州未下滄州軍亂小校王景戡討定之

1. 45

Ţ

道鑑紀事本末

都勸孟知祥為戰守備知祥浚壕樹柵遣馬步都指揮 言河朔多事久則患深宜令拖管進討若倚紹榮單 源欲留宿衛皆曰他人無可者忠武節度使張全義亦 使李仁罕将四萬人駪銳指揮使李延厚將二千人討 見成功之期李紹宏亦屢言之帝以內外所薦久乃許 甲寅命嗣源將親軍討郭都 會任園討李紹琛帝遣中使崔延琛至成都遇紹琛 給之曰吾奉詔召孟郎公若緩兵自當得蜀既至成 匹月全直 董璋將兵二萬屯綿

者東衰疾畏懦厭行陳者西得選兵七百人以行是 任園軍追及紹琛於漢州紹琛出兵逆戰招討掌書記 川贏兵先戰而却紹琛輕園書生又見其兵贏極力追 出 真引兵至鄴都管於城西北以太等徇於鄴 伏兵發大破之斬首數千級自是紹琛入漢州閉 碼請伏精兵於後以羸兵誘之園從之使董璋以東 琛延厚集其聚詢之日有少壯勇銳欲立功求富貴 三月丁巴朔李紹真奏克邢州擒趙太等真申 de dus Mil 通鑑犯事本末 Ð

Ċ

E 9

Þ

÷

博之軍近從馬直數卒諠競遽欲盡誅其衆我輩初無 任威貝州戍卒思歸主上不赦云克城之後當盡院魏 即衆大課殺都將焚營舎詰旦亂兵逼中軍嗣源師 栭 殺之 心但畏死耳今衆議欲與城中合勢擊退諸道之軍 對日將士從主上十年百戰以得天下今主上棄思 拒戰不能敵亂兵益機嗣源叱而問之曰爾曹欲 下今軍中詰旦攻城是夜從馬直軍士張破敗作亂 壬戌李嗣源至鄴都管於城西南甲子嗣

卷四十 一上

之在禮乃聽嗣源紹真俱出城宿魏縣散兵稍有至者 大事須籍兵力今外兵流散無所歸我為公出 通鹽紀事本末 É

日將士單勇令公敢不惟命是聽嗣源說說在禮曰

破敗斬之外兵皆潰趙在禮即諸校迎拜嗣原泣

嗣源及李紹真等入城城中不受外兵皇甫暉逆

請主上帝河南令公帝河北為軍民之主嗣源泣論之

從嗣源曰爾不用吾言任爾所為我自歸京師亂

白刃環之曰此輩虎狼也不識尊早令公去欲何之

因

擁

拔

之李紹琛引兵出戰於金属橋兵敗與十餘騎犇綿)擒之孟知祥自至漢州搞軍與 獲紹琛乃引兵倍道而東 旄又有平蜀之功何患不富贵而求入此 日郭侍中佐命功第 如紹琛輩安保首領以 琛艦車至座中知祥自酌大危飲之謂曰公已 無城塹樹木為柵し丑任 兵不血刃 此不敢歸朝耳魏王 任 圍進攻其柵縱火焚 嗣源之為亂兵所 園董璋置酒高會 取 兩 'n 盤車 無

釛

定

匹庫全書

高 嗣 逼 曰 源出遂 詐留使者閉壁不應 使安重誨曰此策非宜公為元帥 吾 行周等七人相 也李紹紫有衆萬人管於城南嗣 紹榮不戰而退歸朝必以公籍口公若 明 縣眾不滿百又無兵仗李紹真所將鎮兵五千 Ħ 當歸藩上章待罪聽主上所裁李紹真及中 相帥歸之由是 繼召之欲 及 嗣 嗣源兵稍 源入鄴 與共誅亂者紹榮疑嗣 源遣牙將張度 振 都遂引兵去嗣 不幸為凶人所劫 嗣源泣謂 歸潘則為 諸 釗 源 聞 源 將

į

通腦紀事本末

<u>+</u>

監軍者皆恃思與節度使爭權及點都軍麼所在多殺 之安義監軍楊繼源謀殺節度使孔勍勍先誘而殺之 度使符習將本軍攻鄰都聞李嗣源軍潰引兵歸至淄 子庶可自明嗣源曰善丁卯自魏縣南趣 州 邀君適足以實證悉之言耳不若星行詣闕面見天 監軍使楊希望遣兵逆擊之習懼復引兵而西青州 康福得馬數千匹始能成軍福蔚州人也 定四庫全書 揮使王公儼攻希望殺之因據其城時近侍為諸道 麦四十一上 相州遇馬坊 平盧節

凶年其財復集上即欲從之劉后曰吾夫婦君臨萬國 節度使尚書令齊王張全義聞李嗣源入鄴都憂懼 大 以軍食不足較河南尹豫借夏秋稅民不即生 E e 有餘諸軍室家不能相保價不賑於懼有離心俟過 士流言益甚宰相懼即百官上表言今租庸已竭內 未卒於洛陽 1 Ort 17 TO 租庸使以倉儲不足頗 通鑑記事本末 二 十 大 一股刻軍 吏

武寧監軍以李紹真從李嗣源謀殺其元從據城拒

知留後淳于晏師諸將先殺之晏登州人也

審 殿論之后屬耳於屏風後須更出粒具及三銀盆皇 子三人於外日人言宫中蓄積多四方貢獻隨以給 餘止此耳請常以膽軍宰相惶懼而退 曰吾深知爾父忠厚爾往前朕意勿使自疑從審至 都退保衛州奏李嗣源已叛與賊合嗣源遣使上章 籍武功亦由天命命既在天人如我何宰相又於便 紹紫囚欲殺之從審曰公等既不亮吾父吾亦不 日數華嗣源長子從審為金槍指揮使帝謂從 李紹榮自 賜

風進. 道軍民怨怒公從眾則生守節必死嗣源乃令安重 會 能至父所請復還宿衛乃釋之帝憐從審賜名繼璟待 機會兵義誠代北胡人也時齊州防禦使李紹度泰 疑懼石敬瑭曰夫事成於果決而敗於猶豫安有上 也願 與叛卒入賊城而他日得保無恙乎大梁天下之要 如子是後嗣源所奏皆為紹紫所遏不得通嗣源由 如此始可自全突騎都指揮使康義誠曰主上 假三百騎先往取之若幸而得之公宜引大軍

立軍合倍道從嗣源嗣源 軍勢大盛嗣源從子從璋自鎮州 寧即度使李紹欽貝州剌史李紹英屯及橋北京右廂 真定虞候將王建立先殺其監軍由是複全建立潦 欽 軍都指揮使安審通屯奉化軍嗣源皆遣使召之 也李從珂自橫水將所部兵由盂縣趣鎮州與王建 定四庫全書 河分三百騎使石敬瑭將之前驅李從珂為殿於是 丘人本姓房名知温審通金全之姪也嗣源家在 以李紹榮在衛州謀自白阜 引軍而南遇

帝發洛陽丁丑次犯水戊寅遣李紹榮將騎兵循河 **欲濟河襲鄆汴願陛下幸關東招撫之帝從之** 鹞店勞之紹榮曰鄴都亂兵已遣其黨翟建白據博 使景進等皆献金帛以助給賜軍士負物而詬曰吾妻 子已殍死得此何為甲戌李紹紫自衛州至洛陽帝如 **人奉為留後** 陽橋帝乃出金帛給賜諸軍樞密宣微使及供奉內 **癸酉詔懷遠指揮使白從暉將騎兵扼**

東李嗣源親黨從帝者多亡去或勘李繼璟宜早自脫

通照化事本末

.cd /, 1.5

遣使北輸密款於嗣源曰先至者得之先是帝遣騎將 安審通亦引兵來會知汴州孔循遣使奉表西迎帝亦 舟行管馬步使陶犯斬以徇由是軍中肅然犯許州 至白皐遇山東上供約數船取以賞軍安重海從者争 帝前以明赤誠帝聞嗣源在黎陽殭遣繼璟波河召之 道遇李紹紫紹紫殺之 繼璟終無行意帝屢遣繼璟詣嗣源繼璟固辭願死於 嗣源濟河至滑州遣人招符習習與嗣源會於胙城 **庚辰帝發氾水辛已李嗣源**

忠何言之悖也即奪其兵指揮使潘環守王村寨有芻 之彦温即以其衆叛歸嗣源謂嗣源曰京師危迫主上 敬瑭使人趣嗣源壬午嗣源入大梁是日帝至荣澤東 為元行欽所惡事勢已離不可復事矣嗣源曰汝自 也吾入汝境不欲使他軍前驅恐擾汝室家厚賜而遣 龍驤指揮使姚彦温將三千騎為前軍曰汝曹汴人 城西方都守汴州石敬瑭使神將李瓊以勁兵突 丘門敬瑭踵其後自西門入遂據其城西方點請

京當盡給爾曹對曰陛下賜已晚矣人亦不感聖恩帝 流涕而己又索袍带賜從官內庫使張容哥稱頒給己 及還已失萬餘人乃留秦州都指揮使張唐以步騎三 已據大梁諸軍離叛神色沮丧登高數曰吾不濟矣即 栗數萬帝遣騎視之環亦犇大梁帝至萬勝鎮聞嗣源 欽 旋師是夜復至汜水帝之出闔也扈從兵二萬五千 守關癸未命還遇歷子谷道狹每遇衛士執兵仗者 定四庫全書 以善言撫之曰適報魏王又進西川金銀五十萬到

軍事吾以來急難富貴靡不同之今致吾至此皆無 歸各於吾單事若不測吾輩萬段吾不忍待也因赴河 逐之或救之獲免容哥謂同類曰皇后各財致此今 號泣是日晚入洛城李嗣源命石敬瑭將前軍趣 以相救乎諸將百餘人皆截髮置地誓以死報因 甲申帝至石橋西置酒悲涕謂李紹榮等諸將曰鄉 衛士叱容哥曰致吾君失社稷皆此閱豎單也抽刀 収撫散兵嗣源繼之李紹處李紹英引兵來會丙戌 相

通極起事本文

存义已死欲奉之以作亂師所部兵自營中國內大 兵擊之逐亂兵出門時蕃漢馬步使朱守殷將騎 步兵陳於五鳳門外從馬直指揮使郭從謙不知睦 外帝遣中使急召之欲與同擊賊守殷不至引兵熱 與黄甲两軍攻與教門帝方食聞愛師諸王及近 散兵以俟之帝從之自出上東門閱騎兵戒以話旦 定四庫全書 樞密使共奏魏王西軍將至車駕宜且控汜水収 夏四月丁亥朔嚴辦將發騎兵陳於宣仁 多四十一上

皇后不自省視遣宦者進酪須史帝姐李彦卿等慟哭 於北邙茂林之下亂兵焚興教門緣城而入近臣宿 而去左右皆散善友敏無下樂器覆帝尸而焚之彦卿 福進王全斌等十餘人力戰俄而帝為流矢所中應坊 皆釋甲潛通獨散負都指揮使李彦卿及宿衛軍校何 與申王存渥及李紹常引七百騎焚嘉慶殿自師子門 存審之子福進全斌皆太原人也劉后囊金寳繫馬鞍 人善友扶帝自門樓下至絳霄殿廡下抽矢渇懑求水

通鑑記事本表

Ē

前直指揮使平遙侯益脫身歸洛陽莊宗撫之流涕至 焚掠不已願亟來救之己丑嗣源入洛陽止於私第禁 安歸乎戊子朱守殷遣使馳白嗣源以京城大亂諸軍 謂諸將曰主上素得士心正為羣小蔽惑致此今吾 於是諸軍大掠都城是日李嗣源至嬰子谷聞之慟哭 出走通王存確雅王存紀犇南山宫人多逃散朱守殷 欽定四庫全書 入宫選宫人三十餘人各令自取樂器珍玩內於其家 ·掠拾莊宗骨於灰燼之中而殯之嗣源之入鄴都也 卷四十一上

紹榮所隔披猖至此吾本無 宫 相 諭 悉 永王存霸從兵稍散唐寅至平陸止餘數騎為人所 之曰吾奉詔討賊不幸部 嗣 益自縛請罪嗣源曰爾為臣盡節又何罪也使復 杆禦北方耳是日豆盧革帥百官上棧勸進嗣源 願勿言也革等固請嗣源不許李紹荣欲诉河 給尤宜豐備吾俟山陵畢社稷有奉則歸藩為 源謂朱守殷曰公善巡徼以待魏王淑妃德妃 他心諸君遠爾見推殊 曲 叛 散欲入朝自訴又為 在 國 킈= 面

たこり

5

). L.

通艦紀事本末

====

日鄭二内養在晉陽一監兵一 執 魏王繼发至與平聞洛陽亂復引兵而西謀保據鳳 皆承應不暇及鄰都有變又命汾州刺史李彦超 向延嗣至鳳翔以莊宗之命誅李紹琛 折足送洛陽存霸亦即聚千人棄鎮與晉陽 i張憲奉表勸進憲曰吾一書生自布衣至服金紫 巡檢彦超彦卿之兄也莊宗既殂推官河間張 監倉庫自留守張憲以 初莊宗 켸 昭

月月月

卷四十一上

出先帝之恩豈可偷生而不自愧乎昭遠泣曰此古

士卒城中始安遂權知太原軍府 僕受先帝厚思不忍為此狗義而不免於禍乃天也彦 大掠達旦憲聞變出犇忻州會嗣源移書至彦超號令 及彦超據晉陽拒守彦超知之密告憲欲先圖之憲曰 屬自洛陽梅晉陽橋傳莊宗之命陰與二内養謀殺憲 人所行公能行之忠義不朽矣有李存沼者莊宗之近 謀未決壬辰夜軍士共殺二内養及存沼於牙城因 百官上牋啓嗣源

之

E

// Ump 17 Ton

國嗣源乃許之甲午入居興聖官始受百官班見下

通鑑把事本末

告安重海重海與李紹真謀曰今殿下既監國典丧諸 親戚無親戚者任其所適蜀中所送官人亦準此 王宜早為之所以壹人心殿下性慈不可以聞乃密 國令所在訪求諸王通王存確雅王存紀匿民間或密 曰宫中職掌不可闕也監 國曰宫中職掌宜語故事 安知之乃悉用老售之人補之其少年者皆出歸其 使選其美小者數百獻於監國監國曰奚用此為對 教百官稱之曰殿下莊宗後官存者猶千餘人宣 點

卷四十一上

子繼高繼漳繼婚繼光遭亂皆不知其所然惟岂王存 遣人就田舍殺之後月餘監國乃聞之切責重誨傷 后為尼於晉陽監國使人就殺之薛王存禮及莊宗勿 公來當奏取進止軍士不聽殺之於府門之碑下劉皇 渥至晉陽李彦超不納走至風谷為其下所殺明日永 久之劉皇后與申王存渥森晉陽在道與存渥私通存 存霸亦至晉陽從兵逃散俱盡存霸削髮僧服調李 超願為山僧幸垂庇護軍士争欲殺之彦超曰六相

通雕配事本末

1

征 為 市 .蜀軍還為變以石敬瑭為陝州留後已亥以李從 国軍民之罪而斬之孔謙所立奇欽之法皆罷之因 以病 租庸使及內句司依舊為鹽鐵戶部度支三司委宰 國責之曰吾何負於爾而殺吾兒紹榮瞋目 河中留後 何員於爾遂斬之復其姓名曰元行 人專判又罷諸道監軍使以莊宗由宦官亡國命 風偏枯得免居於晉陽 監 國下教數租庸使孔謙奸佞侵 戊戌李紹榮至洛陽 欽 監 直 视 國 ŢĽ, 曰

埞

匹母全意

卷四十一上

慰 岌 襲曰 僕 諸道盡殺之 渡是日至渭南腹心吕知柔等皆已竄匿從襲謂繼发 曰時事已去王宜 從之還至渭水權西都留守張錢已斷浮梁循水浮 撫之軍士皆無異言先是監國命所親李冲為華州 :夫李環縊殺之任圛代將其衆而東監國命石敬瑭 禍福未可知退不如進請王亟東行以救內難 白圖 王繼发自與平退至武功官者李從 繼岌徘徊流涕乃自伏於床命 繼

監應接西師冲擅逼華州節度使史彦鎔入朝同

重なにおれた

1

丑監 節度使李存敬過華州冲殺之并屠其家又殺西川 安重海謂紹真曰温段罪惡皆在深朝今殿下新 冲歸朝自監國入洛內外機事皆決於李紹真紹真 難異安萬國豈專為公報仇邪紹真由是稍沮 収威勝節度使李紹欽太子少保李紹冲下微欲殺 國教李紹冲紹欽復姓名為温韜段凝並放歸田 監李從襲彦鎔泣訴於安重調重詢遣彦鎔還 壬寅以孔循為樞密使 有司議即位禮李紹真

定四庫全書

を四十一十

人梓宫安所託乎不惟殿下不忌三世舊君吾曹為人 也先帝之天下則吾之天下也安有同家而異國子令 獻祖以吾宗屬視吾猶子义事武皇垂三十年先帝垂 梁朝之入不欲殿下稱唐耳監國曰吾年十三事獻祖 灾 一十年經綸攻戰未審不預武皇之基業則吾之基業 足可 4 45 政更議吏部尚書李琪曰若改國號則先帝遂為路 對曰先帝賜姓於唐為唐復讎繼昭宗後故稱唐令 循以為唐運已盡宜自建國號監國問左右何謂國 通鑑化事本末 **∓**

諸司使務有名無實者皆廢之分遣諸軍就食近畿以 各令退營 即位之禮衆從之两午監國自興聖官赴西官服斬衰 臣者能自安乎前代以旁支入繼多矣宜用嗣子柩前 教坊百人應坊二十人御厨五十人自餘任從所適 稱貨 柩前即皇帝位百官稿素既而御家冕受冊百官吉 任園將征蜀兵二萬六千人至洛陽明宗慰撫之 有司劾奏太原尹張憲委城之罪唐戌賜憲 甲寅大赦改元量留後宫百人宦官三十

陵廟號莊宗 詔 百 四 皆歸之 郭崇韜歸葬復朱友謙官爵两家貨財田宅前籍沒 ·塗毁文書者令三銓止除詐偽餘復舊規 北都指揮使李從温悉誅之從温帝之姪也 人寵匿山林或落髮為僧至晉陽者七十餘人三月 聽貢奉母得飲百姓刺史以下不得貢奉選人先 秋七月丙子葬光聖神閔孝皇帝於雍 馬を見ると 11111 宦官数

省饋運除夏秋稅省耗節度防禦等使正至端午降

引之 樞密使鎮州別駕張延助為副使延的開封人也仕深 後唐明宗天成元年夏四月し未以中門使安重酶為 史 **園並為中書侍郎同平章事園仍判三司園憂公如家** 二年春二月丙申以從馬直指揮使郭從謙為景州刺 既至遣使族誅之 祖庸更性織巧善事機要以女妻重論之子故重論 安重海專權 五月丙辰朔以太子賓客鄭珏工部尚書任

欽

定四庫全書

崇政樞密院選文學之臣與之共事以備應對乃置端 安重海領山南東道節度使重海以襄陽要地不可乏 乃奏稱臣徒以忠實之心事陛下得典樞機令事粗能 殿學士し亥以翰林學士馬道趙鳳為之 知至於古事非臣所及願做前朝侍講侍讀近代直 知書四方奏事皆令安重誨讀之重誨亦不能盡通 粗立園每以天下為巴任由是安重誨忌之 放野俊杜絕依倖期年之間府庫充實軍民皆足朝 戊寅以 帝 Ð

大 2.1 3 1.51 2.1 4.15

通照紀事本末

學但不應耳宰相但得端重有器度者足以儀刑多士 知 人先已薦鄭珏又薦太常卿崔恊 即無宜兼領固辭許之 朝士行能多聽其言朝廷議置相循意不欲用 年春正月安重海以孔循少侍宫禁謂其語練故 馬 月重誨白帝下詔稱延陵突重臣戒諭中 苅 鄭珏素惡琪故循力沮之謂重誨曰李琪 Ľ 延誤衝前導斬之於馬前御史大夫李琪 4 쇰 7 卷四十一上 六月安重誨恃恩驕横 任圛 欲用御史大夫 外 以開 非 河 事 秋 殿

海 重 物無競此可相矣既退孔循不揖 未悉朝中人物為人所賣物雖名家識字甚少臣 私謂園曰今方乏人協且備負可乎園曰明 不學系相位奈何更益以協為天下笑乎上曰宰 他日議於上前上問誰可相者重酶以協 相之因稱疾不朝者數日上使重論論之方入重 柳輩更審議之吾在河東時見馮書記多才博學 任图二则 任園園何者使崔協暴死則已不死 拂衣徑去曰天 對國回 公捨李 重 跹 相

-

通艦紀事本末

=

於戶部夏五月安重論請從內出與園争於上前往復 上日宰相宫人日妾在長安宫中未審見宰相樞密奏 骐 四聲色俱厲上退朝官人問上適與重誨論事為誰 樞密使安重酶兼侍中孔循同平章事 協並為中書侍郎同平章事物が之曾孫也 定四庫全書 且恃與帝有舊勇於敢為權倖多疾之舊制館券出 共事日短琪而譽協癸亥竟以端 而相崔物是猶棄無合之丸取結城之轉也循與重 明殿學士馮道及 任圛性剛

謂 **求罷三司詔以樞密承旨孟鵠充三司副使權判鵠魏** 除 4 事敢如是者盖輕大家耳上愈不悅卒從重誨議園因 太子少保 之重酶以為然奏遣使賜任園死端明殿學士趙 安重海口失職任外之人来賊未破或能為患不如 月丙寅以樞密使孔循兼東都留守 人也 六月丙戌門下侍郎同平章事任團罷守 秋 七月任團請致仕居磁州許之 冬十月或 鳳

哭謂重誨曰任園義士安肯為逆公濫刑如此何以贊

2

į

/ dub |

通经起事本末

+

三年 國使者至磁州園聚其族酣飲然後死神情不撓 樞客使同平章事孔循性狡伎安重誨親信

灾

A 4

卷四十一上

宜復與皇子為婚重海辭之久之或謂重海曰循善離 之帝欲為皇子娶重誨女循謂重誨曰公職居近察不 間人不可置之客地循知之陰遣人結王德妃求納

女德妃請娶循女為從厚婦帝許之重誨大怒二月

以循同平章事充忠武節度使兼東都留守重論

愎秦州節度使華温琪入朝請留闕下帝嘉之除左

其

性

験 愠 **酶氣色甚怒謂曰今與卿一鎮自休息以王建立代** 判三司張延的結 專權求入朝面言其狀帝召之既至言重誨與宣微 事王建立奏建立與王都交結有異志建立亦奏重 對温琪聞之懼數月不出重酶惡成德節度使同平 衛上將軍月別賜錢穀歲餘帝謂重誨曰温琪舊 曰臣果奏無關惟樞客使可代耳帝曰亦可重為無 重鎮處之重酶對以無關他日帝屢言之重 婚相表裏弄威福三月辛亥帝見 直圖記事本本

尚書同平章事鄭珏請致仕己未以珏為左僕射致仕 願 癸亥以建立為右僕射兼中書侍郎同平章事判三司 值陛下龍飛承乏機密數年間天下幸無事今一 外 垂三思帝尋召重誨慰撫之明日建立辭歸鎮帝 昭 比奏欲入分朕憂今復去何之會門 鎮臣願聞其罪帝不懌而起以語宣徽使朱弘昭 曰陛下平日待重誨如左右手奈何 延朗亦除外官重節曰臣披荆棘事陛下數十年 下侍郎兼刑部 以小忿棄之 旦棄

定

四

庫全書

ر د 1 + 李匡實聚黨據保静鎮作亂朔方不安十月丁酉韓澄 之屈帝東巡以從縣為皇城使從縣與客宴於會節園 四年 得之大梁厚結王德妃之黨气留安重酶具奏其事力 排之禮畢促令歸鎮 酒酣戲登御榻重誨奏請誅之三月丙戌賜從琛死 初朔方節度使韓洙卒弟澄為留後未幾定遠軍使 皇子右衛将軍從聚性剛安重海用事從聚不為 月唐寅皇子從厚納孔循女為妃循因之

通臨 記事本末

誨 遣使賣稍表乞朝廷命即前磁州刺史康福善胡語 常戒之曰康福汝但妄奏事會當斬汝福懼求外補重 欽 遣將軍牛知柔河中都指揮使衛審除等將兵萬 復改上不得己謂福曰重誨不肯非朕意也 朝多召入便殿訪以時事福以胡語對安重詢惡之 定四庫全書 海口福自刺史無功建節尚復 西節度使福見上涕泣辭之上命重論為福更他鎮 以靈州深入胡境為即者多遇害戊戌以福為朔方 何求且成命已行難

衛送之審除徐州人也 興元年 初王德妃因安重誨得進常德之帝性儉

奏之夏四月丁酉詔習以太子太師致 使符習自恃宿將論議多抗安重論重訴求其過 地衣重誨切諫引劉后為戒如由是怨之 及在位久宫中用度稍侈重酶每規諫 仕 妃取外庫 初帝在真 宣武節

定李從珂與安重詩飲酒爭言從

珂殿重誨重誨走免

广

E T

草 全

雪

通鑑犯事本末

100

醒悔

謝重誨終街之至是重誨用事自皇子從祭從

厚皆敬事不暇時從珂為河中節度使同平章事重 屢短之於帝帝不聽重誨乃矯以帝命諭河東牙內 口彦温非敢負恩受樞密院宣耳請公入朝從珂止於 言對曰此姦人妄言耳宜速討之帝疑之欲誘致彦 使楊彦温使逐之是日從珂出城関馬彦温勒兵閉 訊其事除彦温絳州刺史重誨固請發兵擊之乃命 柳遣使以狀聞使者至士寅帝問重海曰彦温安得 拒之從珂使人扣門詰之曰吾待汝厚何為如是對

之人間邪此皆非公輩意也二人惶恐而退他日 兒為姦黨所傾未明曲直公輩何為發此言意不欲置 責之安重訴認馬道趙鳳奏從珂失守宜加罪上曰 令彦稠必生致彦温吾欲面訳之召從珂詣洛陽從珂 西 .中斬楊彦温癸丑傳首來獻上怒樂彦稠不生致 為重酶所構馳入自明 都留守索自通步軍都指揮使樂彦稠將兵討之帝 珂至洛陽上責之使歸第絕朝請辛亥索自通等拔 加安重海兼中書令 深

飲定四庫全書 一

通鑑記事本末

13

趙

鳳

保護從珂由是得免士大夫不敢與從珂往來惟禮部 復言丙辰以索自通為河中節度使自通至鎮水重誨 郎中史館修撰吕琦居相近時往見之從珂每有奏請 旨籍軍府甲仗數上之以為從珂私造賴王德妃居中 貧賴此小兒捨馬糞自贈以至今日為天子曾不能庇 又言之上不應明日重誨自言之上曰朕皆為小校家 邪鄉欲如何處之於鄉為便重節曰陛下父子之間 何敢言惟陛下裁之上曰使聞居私第亦可矣何

侍 坠 安重酶發兵云欲自討淮南又引占相者問命帝以 皆咨琦而後行 相 臣等請以宗族保之帝乃斬彦温召重誨慰撫之君 州 有搖衆之語五月丙寅制以太傅致 衛都指揮使安從進樂彦稠二人曰此姦人欲離 下熟舊耳重誨事陛下三十年幸而富贵何苦謀 未捧理軍使李行德十將張儉引告客人邊房沒告 壬寅趙鳳奏竊聞近有姦人誣陷大臣搖風柱 安重酶言昭義節度使王建立過 医盐尼罗本东 仕 1 魏 臣 間

面 無 石行之未盡帝乃収李行德張儉皆族之 奏 患無人前成德節度使范延光勸上留重許且日重 臣 大權中外惡之者衆王德妃及武德使孟漢瓊浸 以全餘生上不許重誨求之不已上怒曰聽鄉去朕 無種矣由臣才薄任重恐然不能鎮浮言願 短重酶於上九月重酶内憂懼表解機務上曰 B 於鄉越問者朕既誅之矣卿何為爾甲戌重訴 臣 以寒暖致位至此忽為人誣以及非陛下至 安重調 賜 朕 用

定四庫全書

然之 安重誨如故 广 重誨請自督戰既行石敬瑭累表奏論蜀不可伐上頗 失言乃奏大臣不可輕動 事馮道曰諸公果愛安令宜解其樞務為便趙鳳曰公 且才不逮重誨何敢當此上遣孟漢瓊詣中書議重詩 年 AND LOCAL DE TOTAL 去誰能代之上日卿豈不可延光曰臣受驅策日淺 初鳳翔節度使朱弘昭謟事安重詩連得大鎮 十二月天雄節度使石敬瑭征蜀安 通短舵事本木 甲申以范延光為樞家 3+ +: 使

召重誨還 急做還宣徽使孟漢瓊自西方還亦言重詢過惡有記 潰宜逆止之敬瑭大懼即上言重誨至恐人情有變宜 聽書言重論舉措孟浪若至軍前恐將士疑駭不戰自 怨望有惡言不可令至行營恐奪石敬瑭兵柄又遺敬 不免賴主上明察得保宗族重為既去弘昭即奏重詩 重酶過鳳翔弘昭迎拜馬首館於府舍延入寢室妻子 拜奉追酒食禮甚謹重誨為弘昭泣言讒人交構幾 春二月安重茜至三泉得詔亟歸遇鳳

使 兼中書令安重誨內不自安表請致仕閏五月庚寅 得復見吾两寅以從珂為左衛大將軍 以太子太師致仕是日其子崇賛崇緒逃犇河中壬 察其心重誨死無日矣上以為朋黨不悅 家臣其心終不叛主但以不能周防為人所讒陛下 既解安重誨樞務乃召李從珂泣謂曰如重論意汝 書令安重海為護國節度使趙鳳言於上曰重海陛 朱弘昭不內重海懼馳騎而東 直體之事本本 辛丑以樞密使兼 護國節度 月

重矣崇賛等至陝有詔繁微皇城使翟光點素惡重誨 有異志朝廷己遣樂彦稠將兵至矣重誨曰吾受國思 使至見重誨慟哭久之重誨問其故中使曰人言令公 E 不足報敢有異志更煩國家發兵貽主上之憂罪益 汝安得來既而曰吾知之矣此非渠意為人所使耳 定 揮使樂彦稠將兵趣河中安崇賛等至河中重齒為 以保義節度使李從璋為護國節度使甲午遣步軍 四庫全書 死徇國夫復何言乃執二子表送詣闕明日有

為降階答拜從璋會過擊其首妻張氏驚救亦揭殺之 罪又誣其欲自擊淮安以圖兵柄遣元隨竊二子歸本 奏至已亥下詔以重誨離問孟知祥董璋錢鏐為重誨 道弁二子誅之 中李從璋以甲士圍其第自入見重誨拜於庭下重誨 西都留守 秦王之亂 潞王篡杖附 六月し丑復以李從珂同平章事充

通鑑犯事本末

D + 八 帝遣詣河中祭之曰重海果有異志則誅之光都至河

雄節度使同平章事 令勿接儒生恐弱人志氣者股以從榮年少臨大藩故 後 年春正月癸酉以皇子從厚同平章事充河南尹判 唐明宗天成元年冬十二月唐子以皇子從禁為天 軍諸衛事從厚從禁之母弟也從禁間之不悅 名儒使輔導之今好人所言乃如此欲斬之重詩請 九月帝謂樞密使安重論曰從榮左右有矯宣朕旨 月日

嚴戒而已

誨 諸衛事 守以各省使太原馮贊為副留守夾馬都指揮使新平 三年夏四月以郭都留守從崇為河東節度使北都留 使從容認導之其人私謂從祭曰河南相公恭謹好善 兼河南尹以河南尹從厚為宣武節度使仍判六軍 思權為步軍都指揮使以佐之丙戌以樞察使安重 驕很不親政務帝遣左右素與從榮善者往與之處 冬十二月河東節度使北都留守從祭年

親禮端士有老成之風相公齒長宜自策勵勿令聲聞

通鑑化事本末

サカ

朝廷之人皆推從厚而短我我其廢乎思權曰相公手 之帝召思權詣闕以從榮故亦弗之罪也 華豈不能助之邪其人懼以告副留守馮貸資密奏 陰為自固之備又謂帝左右曰君每譽弟而抑其兄我 握通兵且有思權在何憂因勸從紫多募部曲為甲 輕易宜選重德輔之夏四月壬子以皇子從祭為河南 四年春正月馮贇入為宣徽使謂執政曰從祭剛解而 河南之下從榮不悅退告步軍都指揮使楊思權曰

宋王 知書然喜聞儒生講經義開益人智思吾見莊宗好為 長興元年秋八月立皇子從榮為秦王丙辰立從厚為 **尹判六軍諸衛事從厚為河東節度使北都留守** 面毀裂抵棄冬十月壬子從榮入謁帝語之曰吾雖不 相唱和頗自矜伐每置酒轍令僚屬賦詩有不如意者 三年秦王從榮喜為詩聚浮華之士高輦等於幕府與

詩將家子文非素習徒取人竊笑汝勿效也

ĸ

定日華全書

通鑑起事本末

4

之重誨死王淑妃與宣徽使孟漢瓊宣傳帝命范延光 **崇為人鷹視輕佻峻急既判六軍諸衛事復來朝政多** 以早弱奉之故嫌除不外見石敬瑭不欲與從崇共事 王從厚自襁褓與之親狎雖典兵常為重誨所制畏事 縱不法初安重酶為樞密使上專屬任之從榮及宋 延壽為樞密使從崇旨輕侮之河陽節度使同平 石敬瑭兼六軍諸衛副使其妻永寧公主與從茶異 憎疾從祭以從厚聲名出已右光尽之從厚善

誠詣闕 夏四月言事者請為親王置師傅宰相畏秦王從榮不 四年春正月戊子加秦王從紫守尚書令兼侍中 使敬瑭復解上乃以宣徽使朱弘昭知山南東道代義 通鑑記事本本 <u>*</u>

請與舊臣选為之上不許會契丹欲入冠上命擇即臣

義誠耳敬瑭亦願行上即命除之既受詔不落六軍 副

河東延光延壽皆曰當今即臣可往者獨石敬瑭康

常思外補以避之范延光趙延壽亦處及禍屢辭機要

或竟日 兵 從客規諷從榮不悅瓚雖為傳從紫一縣以僚屬待之 敢 秦王傅前襄州支使山陽魚崇遠為記室瓚自以 有難色從紫覺之自是戒門者勿為通月聽 **运訴不得免王府參佐皆新進少年輕銳諂諛瓚獨** 部侍郎劉璜於從荣從崇表請之癸五以職為秘書 除人請令王自擇秦王府判官太子詹事王居敏薦 秋八月太僕少卿致仕何澤見上寢疾秦王從榮 不召亦不得食 五月戊寅立皇子從珂為 至府

四庫全書

禁為天下兵馬大元帥 光等知上意且懼從荣之言即具以白上辛未制以從 願當此名上日羣臣所欲也從崇退見范延光趙延壽 口執政欲以吾為太子是欲奪我兵柄幽之東宫耳延 竊聞有姦人請立臣為太子臣初少且願學治軍民不 不得己丙戌詔宰相樞密使議之己夘從祭見上言曰 下私謂左右曰羣臣請立太子朕當歸老太原舊第耳 九月秦王從祭請嚴衛棒聖

仌

ع 9

1 or 7 10°

通線紀事本本

權勢方盛襲已復進用表請立從崇為太子上題表泣

禁中云延壽實有疾不堪機務丙申二人復言於上日 光 |榮不快於執政私謂所親曰吾| 旦南面必族之范延 臣等 步騎两指揮為牙兵每入朝從數百騎張引挾矢馳騁 人先出若新人不稱職復召臣臣即至矣上乃許之戊 們路令文士 試草撥淮南書陳己 將廓清海內之意從 趙延壽懼屢求外補以避之上以為見已病而求 怒曰欲去自去奚用表為齊國公主復為延壽言於 启 敢憚勞願與熟售送為之亦不敢俱去願聽 뉟 . +

質為樞密使帝以親軍都指揮使河陽節度使同平章 事康義誠為樸忠親任之時要近之官多求出以避秦 漢瓊王淑妃以求出庚申以延光為成德節度使以馮 王之禍義誠度不能自脫乃令其子事秦王務以恭順 不欲在吾側蓄養汝單何為弘昭乃不敢言 元帥從崇位在宰相上 樞客使同平章事制下弘昭復辭上叱之曰汝輩皆 冬十月范延光屢因孟

.ml). 1 ...

通鑑記事本末

以延壽為宣武節度使以山南東道節度使朱弘昭

輔臣參決勿聽羣小之言遂相泣而別時孟漢瓊 日卿今遠去事宜盡言對曰朝廷大事願陛下與內 啶 两端冀得自全 Œ 庫 産 ء 月甲戌上餞范延光酒罷

能舉王淑妃曰從榮在此帝不應從祭出聞宫中皆哭 子帝疾復作己丑大漸 事附之者共為明黨以嚴惡上聽故延光言及之 秦王從榮入問疾帝便首不

從紫意帝已殂明旦稱疾不入是夕帝實小愈而從紫

不知從禁自知不為時論所與恐不得為嗣與其黨謀

戊

用

敢預議惟相公所使弘昭疑義誠不欲衆中言之夜邀 告王叔妃及宣徽使孟漢瓊咸曰兹事不得康義誠不 謂二人曰公軍殊不愛家族邪何敢拒我二人患之入 |改以兵入侍先制權臣辛卯從榮遣都押牙馬處釣謂 福王宜竭心忠孝不可妄信人浮言從榮怒復遣處釣 朱弘昭馮實曰吾欲帥牙兵入宫中侍疾且備非常當 止於何所二人曰王自擇之既而私於處釣曰主上萬 可濟乃召義誠謀之義誠竟無言但曰義誠將校耳不

:)

通钮犯事本末

秦府左右顧望主上拔擢吾輩自布衣至將相茍使秦 可使孫岳方聚謀於中與殿門外續具道處釣之言因 讓義誠曰秦王言禍福在須臾其事可知公勿以兒在 第語之曰吾今日決入且居與聖宫公輩各有宗族處 至私第問之其對如初壬辰從紫自河南府常服將步 事亦宜詳允禍福在須臾耳又遣處釣詣康義誠義誠 王來則奉迎贊馳入右掖門見弘昭義誠漢瓊及三 |千人陳於天津橋是日黎明從榮遣馬處鈞至馮贇|

四月月月

諸對曰有之適已令門者闔門矣帝指天泣下謂義誠 之入漢瓊見帝曰從崇反兵已攻端門須史入官則 亂矣宫中相顧號哭帝曰從祭何苦乃爾問弘昭等有 帥兵拒之耳即入殿門弘昭質隨之義誠不得己亦隨 日卿自處置勿驚百姓控鶴指揮使李重吉從珂之子 及對監門白秦王已將兵至端門外漢瓊拂衣起曰今| 之事危及君父公猶顏望擇利邪吾何爱餘生當自

. J. J. W

通线起事本东

¥

王兵得入此門置主上何地吾輩尚有遺種乎義誠未

題之見朱洪實引騎兵北來走白從紫從禁大驚命取 橋上遣左右召康義誠端門已閉叩左掖門從門隙中 重吉即 從榮單得何力今乃為人所教為此悖逆我固知此曹 不足付大事當呼爾父授以兵柄耳汝為我部閉諸 ·掩心 樣之坐調弓矢俄而騎兵大至從際走歸府僚 揮使朱洪實使將五百騎討從榮從榮方據胡床坐 時侍倒帝曰吾與爾父胃矢石定天下數脫吾於厄 定四庫全書 即控鶴兵守宫門孟漢瓊被甲乗馬召馬軍都

緊死悲駭幾落御榻絕而復蘇者再由是疾復劇從崇 竟與之癸己馮道即羣臣入見帝於雅和殿帝雨泣鳴 之歸康義誠恨之至是乗亂容遣騎士射殺之帝聞從 皇城使安從益就斬之并殺其子以其首獻初孫缶頗 咽口吾家事至此慚見卿等時宋王從厚為天雄節度 子尚勿養宮中諸將請除之帝泣曰此何罪不得已 預內廷密謀馮朱惠從榮很伉岳督為之極言禍

C 7.1 > Lest J. d. 10 1

通鑑把事本末

4

佐皆鼠匿牙兵掠嘉善坊潰去從榮與妃劉氏匿牀下

今已誅王詹事矣自非與之同謀者宣得一 朱弘昭曰使從崇得入光政門賛等當如何任使而吾 親者髙輦劉陟王說而已任賛到官緩半月王居敏 灾匹库全建 徒詡在病告已半年豈豫其謀居敏尤為從禁所惡 猶有種乎且首從差一等耳今首已孥戮而從皆不 從崇為庶人執政共議從紫官屬之罪馮道曰從崇 甲午遣孟漢瓊徵從厚且權知天雄軍府事丙申追 舉兵向關之際與輦陟並幣而行指日景曰來日及 切誅之乎

赞秘書監兼王傅劉琦友蘇瓒記室魚崇遠河南少尹 建安人也文蔚再吳徐知誥厚禮之初從崇失道六軍 李瀚江文蔚等六人勒歸田里六軍判官太子詹事王 判官司諫郎中趙遠諫曰大王地居上嗣當勤修令德 居敏推官郭晙並貶官瀚四之族曾孫詡貝州人文蔚 貶時諮議高輦己伏誅丁酉元帥府判官兵部侍郎任 問主上能不以吾輩為庇姦人乎馮贇力爭之始議流 **陟判官司徒詡推官王說等八人並長流河南巡官**

į

通鑑記事本本

¥ + -

秦王從崇既死朱洪實妻入官司衣王氏與之語及秦 穀屢豐兵革罕用較於五代粗為小康辛五宋王至 無競登極之年已踰六十每夕於宫中焚香祝天曰某 名遠字上交幽 州人也 太子乎從紫怒出為涇州判官及從榮敢遠以是知 人因亂為衆所推願天早生聖人為生民主在位年 何所為如是勿謂父子至親為可恃獨不見恭世子 十二月癸卯朔始發明宗喪宋王即皇帝位 戊戌帝殂帝性不猜忌與物

定四库全意

六軍諸衛事 言王氏私於從崇為之語宫中事辛亥賜王氏死事連 王氏曰秦王為人子不在左右侍疾致 王清春元年春正月戊寅閔帝大赦改元應順 加河陽節度使兼侍衛都指揮使康義誠兼侍中 淑妃淑妃素厚於從荣帝由是疑之 也若云大逆是厚誣矣朱司徒最受王恩當時不 惜哉洪實聞之大懼與康義誠以其語白関帝 点

3

/ The other system

通鑑定事本末

受己丑改兼侍中 使兼侍中石敬瑭並兼中書令贅以起選太過堅辭 石敬瑭少從明帝征伐有功名得衆心朱弘昭馮贊位 從賓甲申出彦威護國節度使以捧聖馬軍都指揮使 揮使皇甫遇代之彦威崞人遇真定人也 國節度使安彦威侍衛步軍都指揮使忠正節度使張 同平章事朱弘昭同中書門下三品馮賛河東節度 洪實代之出從賓為彰義節度使以嚴衛步軍都指 鳳翔節度使兼侍中潞王從珂與 戊子樞宏

是疑 在太原且欲召孟漢瓊已夘徙成德節度使范延光為 **練使潞王有女惠明為尼在洛陽亦召入禁中潞王由** 控鶴都指揮使朱馮不欲其典禁兵已亥出為亳州 |屢遣其夫人入省侍及明宗殂潞王(辭疾不來使 鳳 素出二人下遠甚 懼 翔者或自言何得路王陰事時路王長子重吉為 妃為太妃 閏月丙午尊皇后為皇太后 月朱弘昭馮贇不欲石敬瑭 旦執朝政皆是之明宗有疾路 甲寅

都 判官滴 使 欽 大王功名震主離鎮必無全理 臣 留守 雄節度使代漢瓊徙潞王從珂為河東節度使兼 定 四庫全書 持宣監送 從璋權知鳳翔從璋性麤率樂禍前代安重論 手殺之潞王聞其來尤惡之欲拒 徙 為謀於將佐皆曰主上富於春 河馬盾孫曰今道過京師當何向為便對曰君 石敬瑭為成德節度使皆不降制書但 赴 鎮 潞 王既與朝廷 不可受也王問 命 秋 猜 政 則兵 阻 事出於 朝 弱糧 廷又 趣 各遣 命 鎮 北

立少專制朝權別疎骨肉動搖潘垣懼傾覆社稷今從 界哂之王乃移機鄰道言朱弘昭等乗先帝疾亟殺長 召不俟駕臨丧赴鎮又何疑馬諸人凶謀不可從也

利害餌以美妓不從則令就圖之思同謂將吏曰吾党 以濟之潞王以西都留守王思同當東出之道尤欲 相結遣推官部詡押牙朱廷义等相繼詣長安說以 将入朝以清君側之惡而力不能獨辨願乞靈都藩

5

į

J. 44 11/

海野紀事れよ

明宗大恩分與鳳翔同反借使事成而祭猶為一時

防禦使相里金傾心附之造判官薛文遇往來計事金 時潞王使者多為鄰道所執不則依阿操两端惟隴 叛臣况事敗而辱流千古之配跡乎遂執部等以状 静難節度使樂彦祠副之前絲州刺史甚從簡為馬步 州 刺史辛卯以王思同為西面行營馬步軍都部署前 ,都虞候益知軍情將變解疾不行執政於之出為 州人也朝廷議討鳳翔康義誠不欲出外恐失軍權 以王思同為統帥以羽林都指揮使侯益為行營馬 商 聞 州

犮

四月

녆

監 漢部彰義張從賓静難康福等五節度使奏合兵討鳳 權等皆為偏禪暉魏州人也 ·使李重吉幽於宋州洋王從璋行至關西聞鳳翔拒 像幸富貴者心皆向之認遣殿直楚匡作執亳州團 思同雖有忠義之志而御軍無法潞王老於行陳將 知鳳翔行府以護國節度使安彦威為西面行管都 三月安彦威與山南西道張處劉武定孫 丁酉加王思同同平

2, ALIO 1 /

通鑑起事本末

÷ + - 都廣候嚴衛步軍左廂指揮使尹暉羽林指揮使楊思

这謂外軍 日吾未冠從先帝百戰出入生死全創滿身 於必取鳳翔城聖甲淺守備俱之衆心危急路王登城 話反攻之度劉躍馬走免楊思權因大呼曰大相公吾 劉性褊急主攻城西南以白刃驅士卒登城士卒怒大 臣猜忌骨肉我何罪而受誅乎因慟哭聞者哀之張虔 翔漢韶李存進之子也 以立今日之社稷汝曹從我目睹其事今朝廷信任讒 攻之克東西關城城中死者甚衆丙辰復進攻城期 し夘諸道兵大集於鳳翔城

皆棄甲投兵而降其聲震地目中亂兵悉入外軍亦清 稠等走至長安西京副留守劉遂雅閉門不納乃極 灾 趣士卒登城尹暉大呼曰城西軍己入城受賞矣衆 里日華 4 45 同等六節度使皆過去路王悉飲城中將吏士民之 潞王即書思權可が寧節度使授之王思同猶未之 以搞軍至於鼎釜皆估直以給之丁已王思同樂五 通鑑紀事本末 **六**

進潞王曰願王克京城日以臣為節度使勿以為防

也遂師諸軍解甲投兵請降於潞王自西門入以

萬國朕外守藩方當是之時為嗣者在諸公所取耳朕 調率民財以充賞是日西面步軍都監王景從等自軍 安拒守至岐山間劉遂雅不納思同甚喜遣使慰撫之 官虞城劉延朗為腹心潞王始憂王思同等併力據長 路王至前軍賞遍皆不入城唐申潞王王长安遂雅迎 關遂雅都之子也潞王建大將旗鼓整泉而東以孔目 ·犇還中外大駭帝不知所為謂康義誠等曰先帝棄 在悉出府庫之財於外軍士前至者即給賞令過比

連軍與之初皆自夸大以為冠不足平今事至於此何 **資無心與人争國既承大業年在幼沖國事皆委諸公** 朕於兄弟間不至榛梗諸公以社稷大計見告朕何敢 以轉禍朕欲自迎潞王以大位讓之若不免於罪

亦所甘心朱弘昭馬贊大懼不敢對義該欲悉以宿

兵迎降為己功乃曰西師驚潰蓋主將失策耳今侍衛

陛下勿為過爱帝遣使召石敬瑭欲令将兵拒之義誠 軍尚多臣請自往扼其衝要招集離散以圖後效幸

通经犯事本本

遭楚匡祚殺李重古於宗州匡祚榜撫重古責其家財 益編無所畏忌負賜物揚言於路曰至鳳翔更請 翔人更賞二百稱府庫不足當以宫中服玩繼之軍士 厚及朱弘昭為框客使洪實以宗兄事之從 荣勒 兵天津 又殺尼恵明初馬軍都指揮使朱洪實為秦王從祭所 親至左藏給將士金帛義誠洪實共論用兵利害洪實 固請自行帝乃召將士慰諭空府庫以勞之許以平 洪實首為孟漢瓊擊從榮康義誠由是恨之辛酉帝 定匹庫全書

盡心所奉亦可嘉也癸亥至靈口前軍執思同以至王 責讓之對曰思同起行間先帝權之位至節將常恨 於帝前帝不能辨其是非遂斬洪實軍士益憤怒 以報大思非不知附大王立得富貴助朝廷自取禍 潞王至昭應聞前軍獲王思同王曰思同雖失計然 自欲及乃謂誰及其聲漸属帝聞召而訊之二人訟 取可以萬全義誠怒曰洪實為此言欲反邪洪實曰

以禁軍固守洛陽曰如此冠亦未敢徑前然後徐

昌

2

1 or 7 to

通鑑記事本末

*

卿朝廷前後所發諸軍遇西軍皆迎降無一人戰者丙 家資及妓妾優言於劉延朗曰若留思同應失士心屬 楊思權之徒恥見其面王之過長安尹暉盡取思同 所也請早就死王為之改容曰公且休矣王欲宥之 但恐死之日無面目見先帝於泉下耳敗而繁鼓固 同副之甲子潞王至華州獲樂彦稠囚之し五至 醉不待報擅殺思同及其妻子王醒怒延朗嗟惜者 H 匹屈刍 癸亥制以康義誠為鳳翔行管都招討使以王

皆降惟保義即度使康思立謀固守陝城以俟康義誠 迎丁卯路王至陝僚佐說王曰今大王将及京畿傳聞 先是捧聖五百騎戍陝西為潞王前鋒至城下呼城上 塗地耳於是棒聖卒争出迎思立不能禁不得己亦出 路王至靈寶護國節度使安彦威匡國節度使安重霸 人曰禁軍十萬己奉新帝爾軍數人奚為徒累一城

通监之事本表

寅康義誠引侍衛兵發洛陽詔以侍衛馬軍指揮使安

從進為京城巡檢從進已受路王書潜布腹心矣是日

壕麾下繞餘數十人遇潞王候騎十餘人義誠解所佩 結百什為羣棄甲兵争先詣陝降累累不絕義誠至乾 乗與巴播遷大王宜少留於此先移書慰安京城士庶 義誠軍潰憂駭不知所為急遣中使召朱弘昭謀所向 王從之移書諭洛陽文武士庶惟朱弘昭馮賞两族不 劒為信因候騎請降於潞王戊辰閔帝聞潞王至陝 外自餘勿有憂疑康義誠軍至新安所部將士自 定匹庫全書 昭曰急召我欲罪之也赴井冠安從進聞弘昭死殺 相

孟漢瓊使詣魏州為先置漢瓊不應召單騎奔陝初帝 馮贊於第滅其族傳弘昭贇首於潞王帝欲**典魏州召** 在潘鎮愛信牙將慕容遷及即位以為控衛指揮使帝 走道及劉昫欲歸李愚曰天子之出吾輩不預謀今太 闔門不行已已 馮道等入朝及端門聞朱馮死帝已 北 馬控鶴從我遷曰生死從大家乃陽為團結帝既出即 騎出立武門謂遷曰朕且幸魏州徐圖與復汝師有 北渡河客與之謀使師部兵守玄武門是夕帝以五

欴

足口事、全書 一

通鐵把事本京

立當俟太后教令豈可遠議勸進乎道曰事當務實尊 文書宜速具草學曰潞王入朝百官班迎可也設有廢 第人臣之義也道曰主上失守社稷人臣惟君是奉無 官中書舎人盧尊至馮道曰俟舎人久矣所急者勸進 且至矣相公宜即百官至穀水奉迎乃止於寺中召百 令乃歸至天宫寺安從進遣人語之曰潞王倍道而來 君而入宫城恐非所宜潞王已處處張榜不若歸俟教 后在宫吾輩當至中書遣小黃門取太后進止然後歸 息於上陽門外盧導過於前道復召而語之導對如初 安得百官無班道等即紛然而去既而潞王未至三 屡遣人越之曰潞王至矣太后太妃已遣中使迎勞矣 回安有天子在外人臣遠以大位勘人者 那若潞王守 ·追名問安取太后進止則去就善矣道未及對從進 北面以大義見責將何辭以對公不如即百官詣宫

至陝待罪潞王責之曰先帝晏駕立嗣在諸公今上亮

通鑑紅事本末

¢

AT DIEST OF STORY

李愚曰舎人之言是也吾輩之罪捏髮不足數康義誠

夏四月庚午朔未明閔帝至衛州東數里遇石敬瑭帝 大喜問 政事出諸公何為不能終始陷吾弟至此乎義誠大 候長從簡左龍武統軍王景戡皆為部下所執降於 万 為至此帝曰義誠亦叛去矣敬瑭免首長歎數四曰 王東軍盡降路王上機於太后取進止遂自陕而東 州刺史王弘贄宿將習事請與圖之乃往見弘贄問 頭請死王素惡其為人未欲遽誅且宥之馬步都 月月月 以社稷大計敬瑭曰聞康義誠西討何 如陛

愛将富贵共之今之憂患亦宜相恤今天子播越委計 之弘势曰前代天子播遷多矣然皆有將相侍衛府庫 聞死洪進亦自刎敬瑭牙內指揮使劉知遠引兵入盡! 耳守祭抽佩刀欲剌之敬瑭親將陳輝敗之守祭與暉 於公算圖與復乃以此四者為辭是直欲附賊賣天子 之言告弓箭軍使沙守紫犇洪進前責敬瑭曰公明宗 有忠義之心將若之何敬瑭還見帝於衛州驛以弘贄 物使奪下有所瞻仰今皆無之獨以五十騎自隨雖

Co all a see to day 199/

画観知事れた

馮道等皆上棧勸進王入謁太后太妃詣西官伏梓宫 言可知仍自預從臣之列王即命斬於路隔 王至蔣橋百官班迎於路傳教以未拜梓宫未可相見 王有舊恩至渑池西見王大哭欲有所陳王曰諸事不 慟哭自陳詣闕之由馮道即百官班見拜王答拜道等 河中歸私第王淑妃数遣孟漢瓊存撫之漢瓊自謂於 后令内諸司至乾壕迎潞王王亟遣還洛陽初潞王罷 殺帝左右及從騎獨置帝而去敬瑭遂趣洛陽是日 壬中

A

41

復上模勸進王立謂道等曰予之此行事非獲已俟皇 發鳳翔也許軍士以入洛人賞錢百編既至問三司使 王政以府庫之實對有數百萬在既而閱實金帛不過 帝歸闕園寢禮終當還守藩服羣公遠言及此甚無謂 甲戌太后令潞王宜即皇帝位し亥即位於柩前帝之 三萬两匹而賞軍之費計應用五十萬稱帝怒政請率 以書詔印施行百官詣至德宮門侍罪王命各復其位 也癸酉太后下令廢少帝為鄂王以潞王知軍國事權 10 10 10

京城民財以足数日僅得數萬緣帝謂執政曰軍不可 飲虧縊殺之関帝性仁厚於兄弟敦睦雖遭秦王忌疾 謁見関帝問來故不對弘勢數進酒関帝知其有毒不 不賞人不可不恤今將奈何執政請據屋為率無問士 飲定日庫全書 帝坦懷待之卒免於患及嗣位於路王亦無嫌而朱 自居及僦者預借五月就直從之 昭孟漢瓊之徒橫生猜間閔帝不能違以至禍敗馬 州解帝造弘贄之子殿直密往耽之戊寅蘇至衛 王弘勢遷関帝

六軍諸衛兼侍中康義誠滅其族 已五誅樂彦稠真 寅釋王景戡長從簡有司百方飲民財堂得六萬帝怒 士遊市肆皆有驕色市人聚站之曰汝曹為王力戰立 下軍巡使晝夜督責囚繫滿獄貧者至自經赴井而軍

令詢遣使問起居聞其遇害慟哭半日自經死已卯

.遂殺妃并其四子閔帝之在衛州也惟磁州刺史宋|

她尚在宫中王蠻既還潞王使人謂之曰重吉輩 何

火塘入朝


し酉改元大赦

戊子斯河陽節度使判

美夜直帝讓之曰卿名有才不能為我謀此留才安所 后太妃器服簪珥皆出之緩及二十萬橋帝患之李專 得不愧天地乎是時竭左藏舊物及諸道貢獻乃至太 施乎專美謝曰臣駕劣陛下擢任過分然軍賞不給非 功良苦反使我輩鞭胸杖背出財為賞汝曹猶揚揚自 山陵及出師帑藏遂涸雖有無窮之財終不能滿驕卒 臣之責也獨思自長與之季賞齊亟行卒以是縣繼以 定四庫全書

之心故陛下拱手於危困之中而得天下夫國之存亡

軍 宜據所有均給之何必踐初言乎帝以為然去辰詔禁 徽陵廟號明宗帝衰經設從至陵所宿馬 專繫於厚賞亦在修法度立紀網陛下尚不改覆車 轍臣恐徒困百姓存亡未可知也今財力盡於此矣 十緒下至軍人錢二十編其在京者各十稱軍士無 剛嚴有悔心故也 猶怨望為謠言曰除去菩薩扶立生鐵以関帝仁 在鳳翔歸命者自楊思權尹暉等各賜二馬一駝錢 . Al J. LIA 189/ 通鑑犯事本末 丙申韓聖德和武欽孝皇帝於 ++





腾録監生 臣趙之璧校對官檢討 臣王鍾健總校官庶吉士臣張能照